

摘藻堂四庫全書薈要

集部

欽定四庫全書薈要

集部

元詩選初集卷六十二



詳校官候選知縣臣吳國華

欽定四庫全書薈要卷二萬四百二十二集部

元詩選初集卷六十二 長洲 顧嗣立 編

葉顥樵雲獨唱



顥字景南金華人少壯有志事功未嘗干謁人罕  
知者晚遭元季之亂結廬城山東隅名其地曰雲  
顥自號雲顥天民既而移居山之西隅與雲顥相  
望不數里時得以幅巾野服輕鞵瘦策從樵夫芻  
叟相往還其間自序所作詩以為薪桂老而雲山

高寒音調古而巖谷絕響故名之曰樵雲獨唱長  
孫雍編次成帙曾孫戶部尚書淇重刻之廣東布

政使安丘袁凱為之序云

或謂葉樵雲顥字伯愷洪武中登進士官行人

司副免歸按集中挽琳荆山上人云大德庚子春生我及此公以年計之當洪武戊申景南年六十有九矣其獨樂歌云屈指今年七十五集中詩皆高曠之言絕無及仕宦者袁布政序云使先生後生數年際我朝之明盛與一時俊乂並列庶職其事業必有可觀惜其不然而徒於言語文字間見之其志不亦可哀矣乎袁序作于成化間其言如此知登進士官行人司副之說訛也又震澤編所載東山葉顥字伯昂嘗以鄉貢為和靖書院山長此則又一同名姓者耳

題松雲齋十五韻

青松如舞蛟白雲如游龍龍游化甘霖與世為年豐蛟  
舞散清影利爪擎高穹二者無限奇盡入幽人宮幽人  
室懸磬隱約松雲中松秀悅耳目雲生盪心胸讀書坐  
雲石鼓琴雜松風無往不自得深喜世慮空披雲採松  
花何啻食萬鍾萬鍾食有盡松花味無窮松雲幸無恙  
天地同始終扶筇一相顧摩雲撫孤松問松幾何年適  
與雲會同松靜了不言雲去尋無蹤迴首萬峯頂但見

山重重

三月望夕翫月

長空蟾吐魄良夜何團團皎如青銅鏡  
璨比白玉盤試浴海波底飛上青楓端  
徘徊嵩岱間宇宙生清寒神光常不泯  
畱作千載看

江南懷古

仗劍出西遊來觀帝王州登高望故國  
感慨彈箏篴長歌四五發雲物慘不收  
歌聲忽悲壯江漢不敢流  
我我

天目山王氣今已休英主從北來長驅勢莫留浮雲捲  
旌旗天兵動戈矛國破佳人死時危志士憂遂令歌舞  
地夜雨鳴松楸野殿莓苔古荒城烏鼠秋茫茫古帝魂  
千古不可求神飛故宮遠月出西陵幽淒涼白雲鄉寂  
寞芳草洲我欲弔古蹟落日寒飈颼無言一尊酒悲風  
起閒愁

讀書山月下

讀書山月下月色流巖扉松風吹毛髮草露沾裳衣  
石研

精探玄奧竭思窮幽微興亡空感慨今古誰是非孔孟  
幾千載斯文愈光輝蚩蚩愚下士去此將安歸

舉酒春風前

舉酒春風前勿訝衰顏紅藉茲麴蘖媒成彼醞釀功頓  
使鐵石腸化為歡悅容喜色浮鬚眉和氣填心胸浩浩  
六合間廣扇淳厚風兒女豈知此唯醉芳花叢

園棊白日靜

園棊白日靜舉袂清風吹神機衆未識妙著時出奇我



老天宇內白雪凝鬚眉坐閱幾輸贏歷觀迭興衰古今  
豪傑輩謀略正類碁局終一大笑驚起山雲飛

舞劍清夜闌

舞劍清夜闌孤燈耿中堂一舞空奸邪再舞摧豪強頻  
起為君舞月出雲飛揚氣衝牛斗暗影動蛟龍悲風  
轉蕭颯壯志彌慨慷時哉不可逢石匣深韜藏

漁父曲

雨過暮雲收江空涼月出輕蓑獨釣翁一曲秋風笛宿

鷺忽驚飛點破烟波碧

東籬丙辰季秋作

曳杖東籬下層巒列環岫南山如有情青翠俯相就松  
桂二老蒼烟霏乍無有孤雲屢出奇羣峰競呈秀圖采  
寫晴嵐琴音漱寒溜采采黃金英芳香滿衣袖

秋懷次童中州韻二首

長空好明月燦爛今夕晴萬里皆月色四顧無人聲徘徊  
下青松照我茅屋明我望長歎息悠然萬感生取杯

挹清光。和此松露。傾蘸之清肺腑。快我平生情。  
桂魄延秋景。松飈生夕涼。良宵兩相值。蕭瑟流清光。  
風聲驚客鬢。月影照我牀。徊徨不成寐。轉覺歲月長。  
起坐問風月。而我誰老蒼。風靜月不言。耿耿天中央。

疎齋晚步

睡足白雲窩。行吟青草坡。夕輝流月屐。空翠濕烟蓑。

遊三洞金盆諸峰絕句

錄三

徘徊三洞天。拚作十日留。何當約安期。共為千載遊。

大山巖而尊小山婉而秀往來兩山間巖霏濕吟袖  
犬吠人家近鳥啼春晝晴澗草有幽色野花無定名

莫愁煙艇

莫愁江上艇月夜扣舷歌甚欲尋遺迹江空煙浪多

美許士謙選壯丁有法

烏臺憲史天下奇姓字久為人所知風霜面目松柏操  
鐵石腸肚冰玉肌羣兇肆虐干天誅潢池弄兵如小兒  
中原在處皆反側擾攘豈獨東南垂寓兵於農古王制

憲史於此力主之羽書差兵以萬計頃刻而集敢後期  
厲兵秣馬在此舉指日要斬蚩尤旗廓平天宇清海嶽  
獻俘受馘朝丹墀東州老翁頭雪白拭目願見承平時  
南山有石踞如虎攜歸我欲鐫公碑

辛丑歲軍亂後李元常賦詩傷感予次其韻

亂後依然舊城郭青山不老秋雲薄人民皆非可奈何  
歲月無情隨逝波短世功名何暇論相逢存沒驚相問  
夜寒兒女泣牛衣紫鳳天吳顛倒披訪舊驚心生百感

兩脚如麻春不煖  
祇多幽滯哭酸風  
何人背面啼春紅  
登九龍山訪孝標遺迹月下飲酒

杖藜扶我登九龍  
輕屨短袂隨天風  
九龍飛去幾千載  
雲閒秋老青山空  
孝標先生骨應朽  
清名與山同始終  
荒烟衰草迷古洞  
唯有皎皎栖青楓  
酒邊半醉弄明月  
月光忽落杯中舉  
杯歡笑和月吸清光  
散入胸次照我突兀礪  
魄之孤衷  
平生所蘊剛毅氣  
洞然明白無隱容  
信知古人嗜好不在酒  
愛其果能助發英銳之志醞

釀麴蘖之奇功興懷不盡下山去明月又在天南東

金華尉趙德夫祈雨有感

陽烏赫赫明高穹火雲不語天西東晴波渴飲千丈虹  
嘉穀槁死生蟲蟲金華趙宰亦憫農陳辭涕泣呼天公  
食天之祿因農功視農不救寧為忠下人無罪天所容  
願為斯責歸微躬志誠直通龍伯宮須臾遣出雙玉龍  
利爪排空怒且雄阿香推車海若從鞭雲駕雨隨天風  
下與世人為年豐要令飢旅顏回童少焉雲散天宇空

神龍却歸潭水中廟閒山空鼓鼙鼙

春雪

百花憔悴東風寒六花爛漫開正繁東君似欲誇富貴  
瓊臺玉榭真珠闌綠楊無力晴拋絮青松不老雲生樹  
貪觀天女跨鸞歸失却仙人騎鶴處斜斜整整復霏霏  
却憶銜枚入蔡圍奇功未立英雄老壯志雖存氣力衰  
酒酣舞劍情難歇指點銀瓶莫教竭醉中猶自憶當時  
鸞鴨城邊一池月



沙溪清隱

繞屋一灣水綠迎軒數朶峰  
青沙路鷗盟新定雲松鶴  
夢初醒

九日寄興

庚申歲

黃菊香殘夜雨烏紗醉落秋風回首十年舊事亂雲流水西東

月夜梅邊即事

香裏寒雲滿溪月明津渡人迷夢入江南舊路夕陽流

水橋西

示小兒阿真牡丹荼蘼春莫各一首

絳色羅裳綠色襦  
沈香亭北理腰肢  
含風笑日嬌無力  
恰似楊妃睡起時

一點檀心氣味長  
向人無語舞霓裳  
千紅萬紫消磨盡  
猶有風吹不斷香

老紅新綠駐烟波  
無奈青皇促駕何  
又是一年春事了  
杜鵑聲裏夕陽多

晚步

偶隨芳草踏斜暉  
石徑雲深翠滴衣  
兩袖天風明月上  
杖頭挑得樹陰歸

次韻周安道憲史仲春雨窓書懷十首

錄三

茶鼎松濤翻細浪  
桃谿花雨湧香泉  
旋尋筍蕨春山下  
不枉江南二月天

破除愁悶無過酒  
遣情懷正要詩  
燕子不來春又半  
一簾花雨海棠時

蜨懶鶯慵燕語猜紅羞綠怨濕難開晴窗悞聽山禽樂  
又是鳴鳩喚雨來

用前韻序山家幽寂之趣呈前人十首

錄三

夕陽香徑逐東風疲策輕扶數落紅信步偶隨流水去  
不知身到白雲中

雲舒山色千峰秀雨過蛙聲兩部鳴多謝知心峰頂月  
夜深長到寢牀明

一任猿驚野鶴猜老懷笑口要頻開高眠蕙帳春風暖

不怕雷聲入枕來

霜天曉角

耿耿星河曙欲流  
角聲悲壯起層樓  
滿江明月清霜重  
人與梅花一樣愁

冬景十絕

李從道麗澤詩社出題至治己未至己亥四十年矣

錄四

鷺立寒江

青苔白石魚鱗腥  
盡日獨拳寒雨汀  
疑是晴江沙上雪  
黃昏一點不分明

霜天曉角

城上征人吹角聲月寒霜重聲冥冥孤舟萬里南遷客  
起著衣裳帶夢聽

江路梅香

漠漠江雲路不分小橋流水夕陽邨吟翁馬上頻回首  
一陣東風暗斷魂

書舍寒燈

青燈黃卷伴更長花落銀缸午夜香異日長檠珠翠處

苦心寒燄莫相忘

丁酉仲冬卽景

錄二

雲巢鶴睡

煙梢深處穩棲翎  
標格孤高迥出羣  
只恐聽琴驚夢醒  
踏翻松頂一巢雲

月嶺猿啼

樹頭清嘯兩三聲  
紙帳梅花睡欲成  
喚醒冷泉亭上夢  
嶺雲飛動月初明

故園梅花

身世水雲鄉。冰肌玉色裳。靈均千載恨和靖一生忙。南  
國遺高躅。東風遞暗香。久同松柏操。肯學杏桃妝。冷淡  
孤山月。高寒半夜霜。鶴猿常款狎。蜂蝶任猖狂。

送應空谷上人遊吳尋師二首。僕于湖山泉石  
有疇昔之好。末章故及之。  
錄一

落日南朝寺。吟筇幾度登。欲尋前日路。去訪昔年僧。浙  
水生新浪。吳雲暗舊燈。阿師如到彼。為謝嶺南能。



題應上人淨深精舍

一室纖塵絕爐烟貝葉經每呼明月至常遣白雲扃竹  
色侵虛幌荷香襲小亭晚來開瓦牖放入數峰青

感懷

天步艱難日人情向背秋慚無醫世術喜免抱官囚發  
憤尋青史消愁數白鷗草廬諸葛輩幸出為時謀

午窗睡起偶吟閒花落硯池小兒士廉率爾應  
聲曰香絮粘碁局遂足成一律

睡醒碧窗虛無人松影移庭空晴晝永徑靜夕陽遲香  
絮粘碁局閒花落硯池遙看煙樹鳥飛過白雲枝

己酉新正

天地風霜盡乾坤氣象和歷添新歲月春滿舊山河梅  
柳芳容穉松篁老態多屠蘇成醉飲歡笑白雲窩

七月望夕予曳杖步月直造峰頂高吟朗咏劃  
然長嘯興盡而返明日山下居人咸言聞清嘯  
驚醒塵夢者數十家予因賦詩以紀其事云

藜杖策風輕芒屨步月明鶴翻青徑影猿度翠巖聲草  
露沾衣冷松泉漱石清崇岡發長嘯塵世夢驚醒

採蓮歌

越女浙江頭烟波萬頃愁往來荷葉浦蕩漾木蘭舟  
島闊香雲冷江空明月秋清謳三四曲聲斷白蘋洲

春晴

曉洞雲歸濕春山草木新天桃含宿雨嫩柳裊輕塵蝶  
翅寒尤怯蜂衙晚漸陳香風簇羅綺已有踏青人

日暮江邨雜興

釣艇已收緡無人深閉門雲生沙上石月出水南邨寂  
莫寒潮遠微茫烟浪昏孤舟中夜笛感慨動吟魂

山莊卽事

策杖步松闕銜杯看遠山青鞵陪月去翠袖裏雲還芳  
草斜陽外落花流水間山林多樂意無夢到塵寰

江邨晚景

野水溪橋外荒邨八九家雨晴魚網曬風定酒旗斜紅

樹霜江葉黃  
廬月岸花何當  
從此隱重整釣雲槎

春遊晚歸

小雨雜烟霏  
晴光弄夕暉  
蔦紅侵酒罈  
空翠潤琴徽  
風襲吟翁帽  
雲香野客衣  
殷勤花徑月  
寒影照人歸

次韻賈逢源見寄

短髮凋秋鬢  
天風快晚晴  
閒唯欣有味  
老不歎無成  
白石和雲煮  
青山帶月耕  
無心少年事  
慷慨樂從征

重九後菊

癡蜨狂蜂未用疑從來根性懶趨時  
知不少爭先輩故遣遲開殿後枝  
斜日園林方冷淡西風天地特清奇  
芳苞小蘂秋香老不是淵明斷不知

題幽居

隔谿春色兩三花近水樓臺四五家  
濁酒不妨留客醉好山長是被雲遮  
松根淨埽彈琴石柳下常維釣月槎  
路狹不容車馬到只騎黃犢訪煙霞

乙未八月二十二夜夢宿山寺與僧講道論詩

不覺夜分僧賦一聯云鶴向白雲棲處宿僧從  
青嶂影邊歸覺而微改其句足成一律云

天風吹夢過招提瘦策迢迢扣夕扉鶴揀白雲枝上宿  
僧從青嶂月邊歸杉松韻古調清樂苔蘚痕深染敝衣  
多謝山靈能念舊此心焉敢忘煙扉

二月江城見梅二首

二月江城第一枝怕寒故故著花遲不嫌豔杏夭桃俗  
甘受狂蜂妬蜨疑月落西湖驚舊夢雪消南國憶當時

樓頭亦有霜天角懶對春風暖日吹

桃杏紛紛正得時疎梅高潔合知幾如何萬卉嬌春日  
猶有孤芳駐夕暉未要板橋尋蠟屐最宜沙路試羅衣  
輕鞵小扇孤山下絕勝逋仙踏雪歸

懷湖山隱者

并序

湖山隱者不知何許人往來湖山間茅衣草屨竹  
策紗巾問其姓名則笑而不答蹤跡似詭異而辭  
情慷慨神思清遠未易量者寡結交少許可性不



喜譽人而亦不沽譽于人也嘗與人談論古今斟酌時事一言不相合引而去之不復回顧近不知所之云

湖海無求放逸人不將清夢出丘林喜吹異代秋風笛  
解鼓空山夜月琴驚歎時危如有意貪眠雲煖又無心  
邇來蹤跡難尋覓高卧岑巖萬疊深

次槎字韻述懷

形容枯似飽霜槎身老空山處士家一徑梅香雲滿地

半窗花影月籠紗常穿謝氏登山屐慣設孫郎餉客瓜  
離亂固非疇昔比池塘難得為官蛙

喜余仲揚陪樞掾俞公芳催兵海道歲晚遠歸  
羽檄催軍歲晚歸海南消息定何如腰邊雖少封侯印  
囊底應多盪寇書越水閩山牽舊夢蠻烟瘴雨襲輕車  
短衣匹馬男兒事莫戀丘園月下鋤

至正戊戌九日感懷賦十律見意云

吳楓初冷水痕收塞鴈南飛渡遠洲歲月無情天地老

江山不盡古今愁黃花謾引杯中物白髮空驚鏡裏秋  
却笑桓溫清讌後終然無夢到神州

謾多離思繞東籬舉目江山異昔時落日邊城悲鼓角  
西風天地動旌旗荒邨亂後愁無酒野老胸中喜有詩  
風景不同人事別菊花何必上寒枝

門掩東籬處士家每逢佳節惜年華黃花有恨驚秋老  
白髮無情對日斜杜牧仙遊詩寡和王弘人去酒須賒  
烏紗醉裏西風冷千古令人憶孟嘉

誰復攜壺上翠微  
干戈爛漫酒尊稀  
西風細雨黃花瘦  
衰草荒烟白鴈飛  
落日有時懷故國  
舊居無主鎖空扉  
龍山回首尤非昔  
長使英雄淚滿衣

晚對南山飲濁醪  
少舒幽憤醉醺醺  
雲邊黃菊紉芳珮  
世上紅塵襲敝袍  
陶令官閒身尚健  
孟嘉帽落趣殊高  
登臨我亦秋風客  
虛負人呼一世豪

雲鎖當年落帽臺  
滿山黃菊為誰開  
久無異士高人識  
長有狂蜂妬蝶猜  
斜日東籬增感慨  
西風南國正塵埃

如何得似承平舊與客攜壺共酒杯

慵整東籬貫酒鉗白衣望斷夕陽亭征鴻北渡煙塵冷  
戰馬南嘶草木腥嫩菊半開香未老奇峰相對眼終青  
何當得與淵明約共醉秋風不願醒

風急登高野客傷悲笳聲裡過重陽正須擊劒論孤憤  
何暇攜壺舉一觴白骨不埋新戰恨黃花空發舊枝香  
寒煙冷日東籬下西望柴桑路更長

悠悠江影鴈南飛黃菊飄香蜨滿枝斜日西風彭澤酒

殊方異國杜陵詩  
烟巖慘澹山林莫  
霜葉蕭疎草木悲  
醉後不思時節異  
半欹烏帽任風吹

滿城風雨晚淒淒  
城北城南盡戰車  
無藥可能醫世亂  
有錢常欲買山居  
牀頭小瓮開新釀  
屋底明窗讀故書  
園菊豈知吾輩意  
清香惟解繞茅廬

元宵雪感懷次韻

金帳羊羔酒裏仙  
醉觀皓鶴下瑤天  
寒英忽舞顛狂絮  
香燄俄開爛漫蓮  
閬苑有花春未老  
芳城不夜月空圓

茅齋僵卧袁夫子也翫鰲山懶去眠

乙巳正月十二日雪中感懷

梅李爭妍冷更榮  
楊花飛絮濕尤輕  
雪梢香凍鶯聲澀  
月樹光寒蜨影清  
兒女祇貪金帳樂  
英雄空老玉關情  
自憐衰朽心猶壯  
夢裏麾兵入蔡城





錢惟善江月松風集

惟善字思復錢塘人領至正辛巳鄉薦官至副提  
舉張氏據吳退隱吳江之筒川又移居華亭明洪  
武初卒思復長于毛氏詩學強記而多才鄉試時  
以羅剎江賦命題鎖院三千人不知羅剎江之為  
曲江也思復引枚乘七發為據其首句云惟羅剎  
之巨江兮實發源于太末大為主司所稱由是知  
名號曲江居士又自號心白道人所著江月松風

集陳衆仲為之序謂當壯盛之年未嘗有紛華之  
悅觀其為詩妥適清雋娓娓乎有唐人之流風焉  
思復與楊廉夫倡和有句云笠澤水寒魚尾赤洞  
庭霜落樹頭紅又云漢史丁公那及齒陶詩甲子  
不書元蓋有感而言之也

錢思復江月松風集十  
二卷焦澹園經籍志不

載練川陸子垂家藏思復手書詩集後歸于秀州  
曹倦圃友人金亦陶鈔得之合之甫里許氏所藏  
與陸氏原本無異倦圃云余家藏元人真蹟有思  
復詩乃知江月松風集尚多遺佚思復以書名卷  
冊流傳人間者  
隨見當補入也

對月酌酒

對月不飲酒何以陶吾生  
明輝散空白照我千載情  
泠然輒忘寐但覺風露清  
寒蛩雜羣籟天地皆秋聲  
流光不可駐長江終夜鳴  
酒盡月欲墮浩歌倚曾城

送酸齋學士之西川

薊北文章客風流迴不羣  
潮聲秋別夢月色夜畱君  
三峽吞秦樹千峰抹楚雲  
形骸捐水石來往更殷勤

靈璧手印篇

并序

漢以江都王女細君嫁烏孫王女過靈壁嘗扶以  
石後人鐫石為模腕節分明故述其事而為之辭  
漢香飛入烏孫國踰白龍堆行絕域萬里窮愁天一方  
曾駐鳴鑣倚靈壁靈壁亭亭立空雪石痕不爛臙脂節  
神飈吹影高撩秋提雲欲補中原月穹廬作室牆以旃  
珮環魂託胡歌傳當時雙淚灑成血血成碧色苔花堅  
青塚相望去不歸歸時定化黃鵠飛千年恨隔羶城夢  
漢使者過空沾衣

王氏節婦詩 并序

丙子歲天台王氏妻為兵所掠至嵎縣青楓嶺嚙  
指題五十六字石上投嶠江而死迄今血書宛然  
泰定初邑徐丞始上其事請立廟旌之晉張仲舉  
首倡作詩一章邀好事者同賦又聞丙子間襄陽  
賈尚書兒婦韓魏公五世孫也岳州破被虜之明  
日以衣帛嚙指書長詩渡江中流自溺而死其詩  
多有可稱者有江南無謝安塞北有王猛之句士

大夫咸膾炙之因感其節同其事類故并及之云

昔年襄陽賈尚書兒婉韓氏身葬魚當以血濺雲錦襦  
至今波蕩青瓊琚嚙指堂堂丈夫氣乃見蒼茫甲兵際  
倚舷不忍渡中流翻然直向龍宮逝嗟嗟赤城王氏妻  
青楓嶺滑愁雲低嶧江水黑幽魂啼峭壁萬仞無由梯  
望夫不來歸路迷石痕雨碧風淒淒君臣失國時所偶  
兒女喪家我何有丹精貫日昭不朽朝廷立廟嶧江口  
荆揚孰謂風俗媮嗚呼貞節無與儔二女允也忠義流

他年太史須編收

八月十五夜風雨後見月有懷

天柱峰高月華碧自古人間風雨隔飄然欲探蟾窟游  
萬里陰霾妬良夕玄雲忽開黃道明顧兔涵秋抱冰魄  
嫦娥偷藥長少年桂子鄉霏羽衣濕飛仙挾我凌太清  
萬丈寒光湛虛白美人不來空夜涼白紵歌闌露花積

送曹克明員外之湖廣省

錢唐西望武昌城天際飛艎幾日程三峽波濤下江漢

九疑雲霧接巫衡笑談落落蕭曹佐登覽蒼蒼屈宋情  
更把文風變丹雘不須銅柱紀南征

題杜甫麻鞋見天子圖

四郊多壘未還鄉又別潼關謁鳳翔九廟君臣同避難  
十年弟妹各殊方中興百戰洗兵甲萬里一身愁虎狼  
寂寞當時窮獨叟按圖懷古恨茫茫

故宮春望次平禹城韻

登臨休賦黍離章千里江流接大荒  
劒鎖血華空楚舞



鏡埋香骨失秦妝  
薜蘿山鬼啼螢苑  
荊棘銅駝卧鹿場  
寂莫萬年枝上月  
夜深猶照舊宮牆

早發葑門得風直抵阜林泊

白龍廟前風浪生  
扁舟初離閭閻城  
嬋娟霜月鴈千里  
顛倒衣裳雞五更  
櫓咎漁歌江入夢  
帆迎野色樹移程  
葦間何限秋蕭瑟  
愁絕胡笳出塞聲

述懷

倦游湖海十年餘  
人物如雲想國初  
貞觀名臣重房杜

建安才子數應徐  
聞雞起舞關河北  
射虎歸來事業疎  
便欲巢松尋五老  
短檠依舊滿牀書

宮詞二首和符安理鎮撫韻

放生池上月沈鉤  
掖樹如雲易得秋  
鐘動景陽梳洗早  
輓轡聲轉井幹樓

夢驚鴛瓦落宮牆  
殿鎖長秋怨夜涼  
教授後庭今白髮  
舊時博士漢披香

懷陳子敬王子仁

倦游年少滯江南憂患驚心百不堪韶海有人遺白葛  
洞庭無客寄黃甘涼風拂袵聽喉嚨夜雨移鐙覆手談  
寂寞歲寒梅共我月明索笑碧雲檐

洛陽陌

驅車洛陽陌周道何逶遲玉帛走侯甸金湯固城池潘  
令好桃李阮生多路岐銅駝卧荆棘索靖獨先知

長安道

車馬如流水樓臺結彩虹王孫來戚里豪士遇扶風不

親衣冠盛空聞意氣雄  
鳶肩亦何事日莫醉新豐

關山月

落落漢時月蕭蕭古戰場  
揚輝子卿節逐影細君裝  
高映玉關外低沈青海傍  
不似閨中夜祇照繡鴛鴦

折楊柳

何處好楊柳攀條贈遠行  
花飛渡江水客醉蹋歌聲  
秋色彫榆塞春陰接鳳城  
一枝不敢折為近亞夫營

湘淚竹管

黃陵廟前捐珮玦龍影搖文織湘血翠帷塵滴不乾雲  
湘水無聲楚魂咽蠻娘弄作吳娥吟五音嘹亮生枯節  
一聲直向天上聞手挾飛仙挽秋月嗚嗚似向煙中語  
十二螺鬟排律呂黃鶴樓空人不還斷腸聲裏招神女

早起

披衣起危坐心清聞曉鐘流光入窗白月澹西南峰游  
魚躍風藻幽禽翻水松青山如膏沐遠樹烟為容舟人  
與漁子菰蒲深處逢

保叔塔

金刹天開畫鐵檐  
風語鈴野雲秋共白  
江樹晚逾青  
鑿屋巖藏雨黏崖石墜  
星下看湖上客歌吹正沈冥

送著作蕪善赴奎章典籤

龍飛天子中興年  
使者弓旌集俊賢  
閭闔早朝班玉笋  
瀛洲夜直賜金蓮  
五經同異須劉向  
三絕才名數鄭虔  
黼黻當時遺老在  
長歌黃鵠送樓船

題金明池圖

金明池涌橐駝虹駕幸瓊林  
歲歲同貌虎羽儀陳鹵簿  
魚龍角觝戲珠宮樂游臺殿  
今成沼習戰旌旗昔蔽空  
寂莫畫圖傳後鑒六飛回首  
塞塵紅

悼西山猿

老衲敲松喚不還  
黑衣何處落潺湲  
慣曾索果西湖上  
無復號弓楚峽間  
挂月影沉千尺樹  
嘯雲聲斷萬重山  
羈雌寂莫成孤怨  
更約他生獻玉環

題廣微天師昇龍圖

噓氣乘雲薄太清墨卿靈怪硯池腥波濤光彩失雙劍  
風雨晦冥驅六丁朱火騰空超碧落翠鱗垂水捲滄溟  
真人上挾飛仙去安得攀髯過洞庭

春游曲和傅子通韻

蛾眉曉壓黛雲冷蟻波淥泛秋蛇影千金難買能賦人  
輓轡聲沈舊宮井青絲不梳慵蚤起十二螺鬟翠相倚  
鸚鵡解言天上愁紅雨香漂御溝水義車急急催飛光  
杯中淺深愁短長東鄰誰唱斷腸曲游絲落絮春茫茫



劉時中待制見和定山十詠作詩以謝

玉堂學士來湘中笑攬衡霍吞雲夢西瞻峨眉呼太白  
南望蒼梧登祝融射魚昔號玄真子樵青隨處攜詩筒  
扁舟匹馬萬里外曾渡瀛海過崆峒識荆丹拜二十載  
棄襦誰復憐終童辭官錢唐聽江雨願言擊壤歌元豐  
定山品題自靈閣屹然當道江爭雄雲泉靈洞自奇絕  
燒丹嘗聞留葛洪浮山下鎖蛟龍窟百川砥柱為之東  
五雲高標太古雪月輪直上清虛宮招提翬飛翥龍鳳

漁子暝宿蘆花風是間勝槩難指數作者往往皆名公  
山靈昨夜見我夢喜得珠玉傳無窮杖屨何時此幽討  
潤色舊觀重發矇問公前身竟誰是香山居士東坡翁  
江聲得五字

小海歌闌渺平楚中流日莫猶鳴櫓怪疑鐵笛和龍吟  
清應冰絃出魚舞響入蘆花暗長潮寒吞樹影晴飛雨  
溯源欲聽巫峽秋夢繞蛾眉月三五

奉和太常博士柳公浦陽十詠詩錄四

龍峰孤塔

巋然特立梵王宮  
梯級惟容鳥道通  
翠壁雲綃紅劫火  
鐵檐鈴雨落秋風  
高標插漢蒼龍左  
倒影橫江白鶴東  
何日捫蘿尋勝迹  
不愁千里目難窮

南江夕照

目盡江南送夕陽  
空明直下接魚梁  
千重雲岫連平遠  
五色霜林映渺茫  
孤鷺倒飛天上下  
長虹高卧水中央  
白雲紅稻多秋思  
付與詩翁了醉鄉

東嶺秋陰

青山失色暗丹楓  
廣野平林杳靄中  
半嶺無雲時慘淡  
尺天不雨亦空濛  
冥冥南向藏元豹  
漠漠東開見白鴻  
高處夕佳難攬結  
埽除陰翳待雄風

昭靈仙迹

肌膚冰雪藐神人  
此地昭靈迹未陳  
華表鶴歸終解語  
鼎湖龍起復攀鱗  
雨香寶穡瓊田曉  
露冷琪花碧澗春  
仙馭時隨青鳥去  
定陪崑圃宴羣真

述懷寄光遠并簡城南諸友二首

野人無事久忘機，肯信紛華有是非。  
花信欲闌鶯百轉，麥芒初長雉雙飛。  
書中歲月仍為客，枕上江山屢夢歸。  
時復思君倚深樹，不知殘雨濕春衣。

青青草色接平蕪，翠涌千峰入座隅。  
戴勝晨呼採桑女，於菟夜警牧豬奴。  
羽觴洛水聞修禊，單袷溫泉想舞雩。  
欲泛蘭舟過春渚，一樓烟雨似西湖。

書懷

春夢渾難記年光不可留絮輕隨野馬樵熟醉林鳩綠  
樹深藏徑青山直上樓功名等閒事一笑拂吳鉤

送李德夫福建運司書吏

吳柳初黃越樹丹照人秋色送征鞍雲隨親舍回揚子  
山引郵城入候官萬石鹽饒輸海賦兩潮魚上助盤餐  
武夷我有南游約欲借扶搖駕羽翰

與默齋先生聯句成口號

官柳新晴啼乳鴉外甥昨夜喜還家河鮪江鱗都供酌

獨奈春寒惱杏花

粉團花下夜飲

萬花碎翦玉團團  
晴雪飛香夜不寒  
恰似玉人相對立  
酒尊移月近前看

九月晦日張機仲同宿明慶亭會堂上人房是  
夜讀羅昭諫詩

寶坊金碧近閭閻  
閣道沈沈警夜嚴  
萬石華鱸驚海獸  
四檐鐵鳳語蜚廉  
傷時我豈同昭諫  
覓句師能及道潛

一榻茶煙清夢熟因思松瀑灑冰簾

元宵偶作

彈壓城池夜屬橐放燈那復事奢豪水晶宮裏香風細  
曾見神山駕六鼇

正月十六日遊湖上

東風杖屨偶相從試傍新隄覓舊蹤花竹園池通一徑  
金銀樓閣倚千峰林煙日午青先暝湖水天寒綠未濃  
賣酒壚頭人似玉抱琴時復醉臨邛



張園雜賦二首

清夜無眠疊鼓催竹梢垂露點蒼苔滿池月色如霜白  
一片蛙聲似雨來

螢火隨風撩亂飛樹頭殘雨滴人衣無端疎竹偏宜月  
寒碧蕭蕭光入扉

送李可度

暫駕仙舟絕海濤未應歸夢又金鰲漢家長者為廷尉  
江左參軍辟掾曹十月蛟鼉淮浪靜九天鷹隼朔雲高

匡時有用須公等莫遣吳霜點鬢毛

送陳衆仲之官翰林應奉

畫鷁齊飛發棹謳泛江幾日過揚州  
曉雲最白梅花驛  
春雨初香杜若洲  
一代文章闕氣運十年館閣擅風流  
綠波草色連天遠不是尋常送別愁

和季文山齋早春二首

方壺元不離人間倚遍東風十二闌  
煙雨樓臺春似畫  
水雲窻戶畫生寒  
遙知洗鼎煎茶待定許敲門借竹看

醉後石橋花爛漫翠禽啁哳在檐端

落梅風細小窓寒石上餘香點點斑不惜壺觴千日醉  
只愁庭館一春閒澗雲生白元非雨江樹排青更有山  
攜取畫圖溪上去鶴聲應到夢魂間

題子昂疎竹遠山圖

玉立湘江闊東風不自持巫山何處是春雨埽蛾眉

晚雨過白塔

宋宮傳是唐朝寺白塔崔嵬寢殿前夏雨染成千樹綠

金  
卷六十二  
暮嵐散作一江烟  
蒼苔門外銅鋪暗  
細柳營中畫角傳  
寂寞葫蘆宮井畔  
野人拾得舊金鈿

送王舉之入京就簡樵谷

短衣匹馬佩吳鉤  
欲寫關河萬古愁  
射鴈秋風高紫塞  
聽鶯春色滿皇州  
黃塵驛路三千里  
白玉京城十二樓  
無酒送君懷抱惡  
過江為覓故人舟

題魯彥康所藏范寬山水手軸

看雲終日坐蒼苔  
溪上千峰紫翠堆  
種竹人家臨水住

抱琴客子過橋來欲書盤谷先生序更把潯陽處士杯  
他日卜居能似畫草堂題作小蓬萊

寄呂彥孚

覓句隱烏几談經坐虎皮乾坤秋已半風雨夜何其聚  
散偏相憶窮愁不自悲但令交有道莫惜鬢成絲

至元六年庚辰十又二月庚辰朔己亥大雨雪  
戊申復雨雪至七年辛巳正月朔旦己酉雨雪  
大作癸丑甲寅復大雪因賦詩以記

城郭雪深三四尺窮谷大川那可量虎狼憑威肆貪虐  
雀鳥凍死何哀傷海中三山失顏色堯時十日無晶光  
梅花相看夜忘寐門外不知迴野航

極目亭

南望富春渚雲山縱復橫野陰低驛樹秋色帶州城千  
古共登覽一江空戰爭海門遙見白應是晚潮生

雨後登吳山過城隍廟眺望

偶向吳山高處望淒涼猶自覺繁華百年香火祠神宇

二月笙歌賣酒家  
渺渺風帆來海島  
冥冥江樹接煙沙  
倚闌貪看西湖上  
古木荒城日又斜

漁邨

丙穴魚來江盡頭  
玄真卜築更深幽  
對門燈火三家市  
何處烟波萬里舟  
明月竹枝揚子夜  
西風木葉洞庭秋  
棹歌一曲閒來往  
指點儂家鷓鴣洲

一峰晴雪

石名

醉倚崔嵬夢剡溪  
覺來翻訝衆峰低  
孤標想見天山北

萬里飛來蜀國西，每怪珠光含霽月。不知玉氣吞晴霓，  
風流欲喚坡仙起。雪浪齋中共品題。

題馬遠畫商山四皓圖

已剖巴陵猶歌商，額芝避秦非避漢。一出繫安危。

題宋徽宗畫狸奴銜魚圖

徽廟宸翰世已無，銜魚隨意寫狸奴。鸞輿北狩知何處，  
惆悵春風看畫圖。

送賈元英之照潭



照潭遙望九華山  
弓馬蕭蕭日莫還  
夢裡無題惟寄內  
胸中有策欲平蠻  
落花閉戶眠黃犬  
明月開籠放白鸚  
絳灌何曾輕賈誼  
早隨鵷鷺入朝班

西湖竹枝詞四首

貧家教妾自當壚  
馬上郎君不敢呼  
折得荷花待誰贈  
葉間紅淚滴成珠

春日高樓聞竹枝  
梨花如雪柳如絲  
珠簾不被東風捲  
只有空梁燕子知

日莫天寒野水濱  
孤山愁絕四無鄰  
誰家處子如冰雪  
行傍梅花不見人

阿姨住近段家橋  
山妬蛾眉柳妬腰  
東山井頭黑雲起

早迴家去怕風潮

西湖志餘稱思復以羅剎江賦得名  
常作西湖竹枝詞十首有云阿姨住

近段家橋瞿元範戲之云此段家橋創見却與羅剎江  
不同也瞿宗吉嘗盡和之云昨夜相逢第一橋自將羅  
帶繫即腰願郎得似長江水日如期兩度潮又云裏  
湖外湖波渺茫兩岸人家多種桑採桑不怕霧露濕惟  
願朝朝逢著郎  
大為思復獎許

篆冢歌 并序

雲間善篆以所書瘞之細林山中題曰篆冢爰來

徵詩遂賦長句以寄

雲間者朱芾孟辯也又見董佐才詩

包羲卦畫龜龍出頡頏造書鬼夜泣俯觀鳥獸迹蹄迹  
依類象形文字立以迄五代咸東封改易殊體靡有同  
周官保氏教國子六書大義開羣蒙太史籀文古少異  
小篆從省由秦始倉頡爰歷博學篇三家著述初傳世  
秦燔經籍獄訟熾乃當隸書趨約易古文雖絕漢章行  
尉律學童仍課試東閣祭酒太岳孫夙嘗受業賈氏門

憫悼俗圖昧所向博採籀古加討論揭示上下明指事  
轉注假借形聲意立一為端亥畢終分別部居不雜廁  
亘千萬古知字原昭若列星麗躔次中興斯學曰陽冰  
入室操戈何背戾二徐訓釋浩江河仲也祛妄言不頗

徐楚金著祛妄  
辨李陽冰之誤

吳興張有爾傑出復古正俗訂糾訛布

衣道士錢塘住玩世端如郭忠恕三十六舉僅成篇蟬  
蛻遺蹤不知處席中如帶惡安西鼓皮離禹良可吁漢  
家去古尚未遠成皋印文猶重摹雲間苦嗜古手校科

蟲辨魚魯明窗淨几風日佳臨模一埽千番楮商彝周  
鼓真吾師螭匾沈著沙畫錐鸞迴鳳翥龍夭矯長戈短  
劍相交馳書草日積充棟楣保愛何啻壁與珪細林山  
中一抔土緇笈緘滕重閉之於乎楔帖藏玉匣終致溫  
韜舉茅甬亦恐虹光夜燭天定有竊開窺筆法冢頭草  
鳴寒蛩薶文瘞筆同高風後三千年見白日好事應營  
馬鬣封

清逸齋

神仙官府曾爲吏一日乘風即掉頭太白豈惟凌鮑謝  
元卿只合友羊求門前種樹雲連屋湖上聽潮月滿樓  
遙憶五經名隱地峨眉高聳蜀天秋

杏花

等鶯期燕引遊蜂知隔垂楊第幾重壇近緇帷忘晝永  
宮催羯鼓助春濃絳煙輕潤香鬚衰紅雪乾團粉淚鎔  
寂寞曲江人不見貞元朝士憶時雍

送魏好義尹分水賦十六瀨

東來衆水發新安歷歷桐川第二灘萬疊冷雲藏亂石  
一江春雨落驚湍青山隔樹連漁浦白鳥迎潮入釣壇  
地占客星高隱處時飛鳬鳥上巖端

次陳君瑞遊鳳凰山光明寺

左瞻劒戟龍門竝上脫冠巾鳳髻雙齋近木魚鳴晝廡  
行遲松鼠落晴窻雲深不覺山藏寺溪漲應隨雨到江  
未識此中真樂地三生先喜俗緣降

偶成


苔花洗春雨藉此聽潺湲終日無客至滿樓都是山

和王仁仲見寄

齒髮已如許江湖何所之忽收前月信未和去年詩至  
寶懷雙壁新愁理亂絲為親能捧檄此意獨余知

元詩選初集卷六十二





總校官候補中書臣吳紹潔  
校對官編修臣馬啟泰

謄錄監生臣朱坦

欽定四庫全書薈要

集部

元詩選初集卷六十三

詳校官候選知縣臣吳甸華



欽定四庫全書薈要卷二萬四百二十三

集部

元詩選初集卷六十三 長洲 顧嗣立 編

華幼武黃楊集

幼武字彥清號栖碧無錫州人家素饒財少孤奉  
母名聲藉甚諸公間人有援之仕者力辭不就明



洪武乙卯卒年六十九京口陳子貞戲題其藁曰  
黃楊謂其愛詩甚篤而奪于多事未肆然為之如  
黃楊之厄閏而不長也今觀其集中所載云只尺

黃楊樹婆娑枝幹重葉深團翡翠根古踞虬龍歲  
歷風霜久時霑雨露濃未應逢閨厄堅質比寒松  
則其所以取名之意或別有在歟

送族姪擴之通州

吾族最全盛家聲詩禮傳自遭喪亂後誰能事陳編猶  
子苦好學鄉閭稱獨賢文采珊瑚枝照映棠棣篇時同  
竹林會嘯咏相周旋一朝攜酒至別我荒城邊問渠欲  
何之言將適通川通川渺何許遠在滄海壖府侯朱夫

子招我開講筵老懷極慰喜汝去毋留連吹噓千里外  
感激故人憐修程盡努力慎勿中道捐蛟龍起春雷鵬  
鶚搏秋天物遇各有時立功須盛年此行非草草著鞭  
宜爾先要登青雲路忠義尚勉旃舟發梁溪水帆拂狼  
山煙骨肉重相思兩地心懸懸長江浩無波擊楫秋風  
前行當賦清句懷此山中泉

次元翬見寄韻

通衢一傾蓋分首猶惜別況是忘年交離緒那可說蟬

鳴野外秋鴈叫沙頭月永保松柏姿同盟歲寒節

鴈南飛

至正十年秋  
懷遠人作

鴈南飛飛不住莫莫朝朝不穩棲飛向水窮山盡處水  
窮山盡天南頭年來有客離家愁天空無雲明月夜千  
里萬里清光流家園零落秋風遍人聞鴈聲淚如綫鴈  
兮鴈兮可奈何稻粱多處多網羅

編籬曲

編竹籬密密編朝禦雞犬入莫防豺虎穿交加編聯互

相倚竹密藤纏堅莫比春風披拂百花開一片繁華如  
錦綺君不見西家有籬編不密夜夜驚呼防盜賊願言  
兄弟莫相疑明日齊心編竹籬

### 義兵行

風蕭蕭雨淒淒義兵起程行路迷腰刀手槍耀光輝青  
衫白帽行隊齊問渠遠行將何之官司召募征江西妻  
兒父母夾道啼我今與汝生別離生別離不得已在家  
出征同一死麥禾滿田穗將結皇天淫雨無時歇去年

秋旱號飢寒今年夏麥不得餐幸逢此地無爭戰供給  
軍需民力乾生為浙西農死為江西卒回首語妻兒何  
處收吾骨率土皆王民安敢辭苦役但愧扶犁手疇能  
用矛戟願得將相俱賢才埽除盜賊無纖埃義兵歸來  
舊田里賣刀買牛復生理

養竹軒歌為周莊吳達子道賦

高軒公子良不俗不種奇花種修竹奇花照眼一時紅  
修竹虛心萬年綠春雷擊地新筍出龍角森森那忍觸



自鉏暖土厚栽培手挈銀瓶細澆沃深根埽除螻蟻窟  
香葉終期鳳凰宿日使霑濡雨露恩歲寒豈憚冰霜酷  
猗猗繞戶矗琅玕含霧連烟比淇澳招搖皓月金瑣碎  
勾引清風聲戛玉炎天展簟卧蒼雪春日聽鶯泛醺醪  
可能一日暫相忘坐對此君看不足君不見白樂天重  
言養竹比養賢又不見東坡詩無竹士俗不可醫君今  
有竹善培養會看直拂青雲上

茶蘼歌

丹葩醉染猩猩血素萼便娟比霜雪呈妖逞豔豈足貴  
含芳嗜潔誇清絕荼蘼飽浥春雨膏玲瓏翦刻英瓊瑤  
千金腦麝和淑質萬箇玉蝶縈柔條坐看明月花梢上  
便應題作清虛榜醉眠花底不須歸狼籍苔茵空撫掌  
先生愛花何太濃對花一飲揮千鍾昔逢端伯稱韻友  
我欲結好慚衰容莫教搖落西風後賈島留題傳不朽  
憐君為作荼蘼歌多情又釀醪釀酒

風棚

百尺虛結構松風起四簷遂令秋滿屋何用晝垂簾蔽  
日雲常在當窻雨不霑翛然無限意叢竹淨相兼

清坐

驅馳欣暫息清坐感餘春細雨偏宜草疎簾不隔塵山  
禽時引子庭鶴晚隨人幾負林泉約空嗟頭上巾

客樓夜雨

城郭易為熱江雲起不難電光生夜白雨氣入樓寒書  
葉仍防潤鐙花不耐看祇緣聽亦慣竟夕睡偏安



宿蠡口

春風吹短櫂，迤邐望歸程。刁斗溪邊戍，旌旗野外營。市

橋人迹少，官路馬蹄輕。

一作平

欲向

一作過

東湖去

一作宿

邊

烽永夜明

一作止  
夜行

久雨

江雨灑還稀，江雲濕更低。不愁吳水闊，惟恨楚山迷。野  
鶴思高舉，林鳥慕穩棲。漸看晴景好，可得溷塗泥。

宿隱微山房

二月蘭舟泊上宮春雲不雨玉壇空苔生白石斑斑綠  
魚養丹池箇箇紅對酒燭分花底夜出簾香散竹間風  
高寒未覺仙臺遠只比相逢似夢中

遊碧浪湖簡同行沈高士

浮玉山邊晚繫舟菰蔣蕭瑟似新秋碧天萬里寫銀漢  
明月一輪當柁樓每愧塵勞成白首喜從仙御作清遊  
酒杯未落南風起又挂歸帆托順流

次楊文昭見寄韻

一別故人知幾時相思每誦隔年題  
兵戈滿眼愁無那風雨連牀夢轉迷  
遙矚層城堅鐵石俯憐荒野困塗泥  
興來每欲操舟去竚待西邨罷鼓鞀

斑竹簾

湘妃淚灑碧琅玕翦織疎簾拭未乾  
細縷引風宜隔暑濕痕含雨欲生寒  
鐙前照耀琉璃潔月下爛斑玳瑁看  
直榦盡輸兵草用高堂舒卷莫摧殘

題陽山顧碧溪詩卷

聞說山中顧隱君幽居不與俗人羣  
愛看舞鶴護蒼蘚  
淨埽落花留白雲  
李愿已刊盤谷序  
稚圭休擬北山文  
一溪春水連天碧  
肯著孤舟載月分

寒食感懷

寒食維舟江上邨  
臨風西望黯銷魂  
花將春色歸流水  
雲繫愁心入故園  
丘壑不知誰灑掃  
藤蘿應復自滋蕃  
衰年尚作無家客  
只合當時住鹿門

寄趙易窗高士慶雲岡上人

昨宵風雨釀春寒  
曉色開晴露未乾  
棋局定須尋李遠  
杖藜還肯過蘇端  
繙經坐榻呼龍守  
點易虛窓倩鶴看  
暫假飛鳬挽飛錫  
樵蘇不爨聲交懽

秋夜有感

澤國秋來夜氣涼  
飄零猶自未還鄉  
蟋蟀泣露梧桐井  
絡緯縈風薜荔牆  
咫尺故園千里夢  
亂離華髮十年霜  
仲宣樓上長回首  
烽火連山欲斷腸

次韻題畫



海石涵秋水風篁生晚涼孤篷初歇雨和月度瀟湘

江南曲

郎上渡江船妾倚江邊樹空挽柳絲長繫郎船不住

擬比紅兒賦解語花二首

綽約柔情不自勝翠圍紅繞幾層層隔簾立盡闌干月  
却訝真真喚即應

霧縠雲綃淡淡妝微風吹散鬱金香臨風一片傷春意  
欲向何人訴斷腸

題桃花十二紅圖

枝上棲禽五色毛  
睡酣花氣日初高  
江南一覺繇華夢  
滿地荆榛叫伯勞

春日偶成二首

城頭楊柳綠如雲  
城下官河水拍春  
一片江山元不改  
畫船都是異鄉人

船頭細雨濕漁蓑  
船尾桃花漾碧波  
借問東君知得否  
江南春色已無多

桃源圖

流水桃花世外春  
漁郎曾此得通津  
當年只記秦猶在  
不道山河又屬人

雲林畫山水竹石

秋雲無影樹無聲  
湛湛長江鏡面平  
遠岫煙銷明月上  
小亭危坐看潮生

次韻曲林春雪

勝喜漫天飛玉蝶  
不嫌幽谷阻黃鶯  
夜深錯認催花雨

夢覺驚聞折竹聲

丁鶴年海巢集

鶴年以字行一字永庚西域人也曾祖阿喇卜丹為  
巨商以其貲歸元世祖世為顯官父智默特喇卜丹  
官武昌縣達嚕噶齊有惠政留葬焉鶴年年十八值  
兵亂倉卒奉母走鎮江母歿鹽酪不入口者五年  
避地越江上又徙四明行臺省交辟不就時方氏  
深忌色目人鶴年轉徙逃匿旅食海鄉為童子師  
或寄居僧舍賣藥以自給先是生母馮阻絕東邨

病死瘞廢宅中道既通鶴年還武昌痛哭行求夢  
其母以告蹤跡得之齧血沁骨棺斂以葬晚年屏  
絕酒肉廬父墓以終其身明永樂間卒烏斯道為  
作丁孝子傳戴叔能作高士傳以申屠蟠儼之序  
其詩謂注意之深用工之至尤在于五七言近體  
澹居老人題海巢集云忠義慷慨有騷雅之遺意  
鶴年家世仕元諸兄之登進士第者三人遭時兵  
亂不忘故國嘗有句云行蹤不逐臬東徙心事惟

隨鴈北飛亦可悲也錄其詩為元季諸人後勁而  
兩兄之作附焉

採蓮曲

採蓮復採蓮仍唱採蓮曲若欲知苦心須食蓮中肉採  
蓮復採蓮踟躕一何久不愁花妬容惟恐刺傷手採蓮  
復採蓮藕亦不可棄中有不斷絲似妾纏絲意採蓮復  
採蓮爭如採荷好花謝葉獨存團圓以終老採蓮復採  
蓮湖水清且深徒能照妾面不能照妾心採蓮復採蓮

下有孤鴛鴦秋花不結實夜夜守空房蓮開花覆水蓮  
謝藕在泥不學青萍葉隨波東復西朝採並蒂蓮暮綰  
同心結不學楊柳枝含嚙送離別蓮舟何處來同住西  
湖口郎憐波上花妾愛泥中藕藕有青白節花有豔冶  
容郎心異妾心三歎掩歸篷

此詩誤作絕句乃是古  
樂府西洲曲等體耳

題天柱山圖

拔翠五雲中擎天不計功誰能凌絕頂看取日升東

畫蟬



飲露身何潔吟風韻更長斜陽千萬樹無處避螳螂

題江亭柳色圖

有懷故人  
劉庸道

昔年醺酒地江漢一茅亭同會人何在東風柳又青

次先兄太守題竹韻

先兄死事之十有七年于  
故史董文中家見所作因

雪涕謹

次其韻

玉筍謝朝班西風海國寒無人知苦節落日下長安

長江萬里圖二首

將歸武  
昌自賦

長江千萬里何處是儂鄉忽見晴川樹依稀認漢陽

長嘯還江國，遲回別海鄉。  
春潮如有意，相送過潯陽。

題落花芳草白頭翁

草長連朝雨，花殘一夜風。  
青春留不住，啼殺白頭翁。

汨汨

汨汨在塵埃，羈懷不暫開。  
病將顏玉去，愁送鬢絲來。  
招隱慚高蹈，扶顛乏大才。  
行藏成兩失，回首有餘哀。

送四兄往杭後寄

臨別強言笑，獨歸情轉哀。  
離魂悽欲斷，孤抱鬱難開。  
太

守隄邊柳徵君宅畔梅過逢如見憶煩寄一枝來

逃禪室卧病簡諸禪侶

高秋多病客古寺寄黃昏野迴常疑虎天寒早閉門離  
愁燈下影鄉淚枕邊痕賴有諸禪侶情親似弟昆

登北固山多景樓

風月無邊地乾坤有此樓城隨山北固潮蹴海西流眼  
界寬三島胸襟隘九州階前遺狠石誰復話安劉

幽期

何處赴幽期青林白谷陞  
谷虛秋氣早林茂曙光遲  
談罷風生塵歌闌月在巵  
謀身良自足何補國安危

春日海邨三首

地僻囂塵遠人稀習俗淳  
花時恒獨往隨意蹋晴春  
斑竹過頭杖烏紗折角巾  
蕭然多古意何媿葛天民

門巷絕輪蹄春深綠草齊  
風光不相負泉石且幽棲  
卷幔通花氣移牀避燕泥  
時時得佳句自向竹間題

每恨韶華晚仍嗟老病催  
閉門花落盡隱几鳥飛回  
引

睡書千卷消愁酒一杯平生志士氣此日已成灰

一作孰相

寓慈湖僧舍次龍子高提舉韻

迢遞過蘭若淹留為竹林疎鐘雲嶠迴孤燭雨窓深  
長嘯非懷昔狂歌豈避今祇緣諸漏盡不受一塵侵

武昌南湖度夏

南浦幽棲地當門菴畫開青山入雲去白雨度湖來  
石潤生龍氣川光媚蚌胎芙蓉三百頃何處著炎埃

客懷

此生何坎壈終歲客他鄉  
病骨驚秋早愁心識夜長  
文章非豹隱韜畧豈鷹揚  
磨滅餘方寸還同百鍊剛

病衰

病骨秋增痛衰容日減華  
臉霞憐竹葉鬢雪妬菱花  
往事嗟何及歸程望轉賒  
少年歌舞地此日屬誰家

題畫

荒荒野日低漠漠江雲冷  
喬林延暮光澄波浴秋影  
高

人千載懷乾坤一漁艇

歲晏百憂集二首

歲晏百憂集獨坐彈鳴琴琴聲久不諧何以怡我心拂  
衣出門去荊棘當道深還歸茅屋底抱膝梁父吟  
歲晏百憂集擊節發商歌商歌未終調淚下如懸河故  
鄉渺何許北斗南嵯峨有家不可歸無家將奈何

悼亡

別時如玉人歸來死生隔日莫泣孤墳音容杳難得惟

餘墳上草猶帶羅裙色

逃禪室述懷十六韻

出處兩茫然低徊每自憐本無經國術仍乏買山錢故  
邑三千里他鄉二十年力微歸計杳身遠客心懸桃李  
誰家樹禾麻傍舍田鷄衣秋屢結蝸室歲頻遷逝水終  
難復寒灰更不然久要成齟齬多病復沈綿俛仰衷情  
倦棲遲野性便延徐誰下榻訪戴獨迴船恥灑窮途泣  
閒修淨土緣談玄分上下味道悉中邊有相皆虛妄無



才幸苟全棲雲同白鹿飲露效元蟬高蹈慚真隱狂歌  
媿昔賢惟餘空念在山寺日逃禪

送鐵佛寺盟長老還襄陽

盟居襄陽父死方在  
殯遇亂奉母逃難江

南餘三十年常典藏鑰于蔣山主武昌鐵佛  
寺而重興之及今道路既通乃奉母北歸而  
葬其父喪士大夫以為方外所未有咸作詩  
文美之鶴年因製五言排律二十韻附卷末

襄漢揚波日江湖避地時行行隨老母處處禮名師雲  
水元無住風塵信所之睦州勤奉養江草備艱危掌鑰  
鍾山下傳鐙鄂渚湄剝翻龍藏典幾咏鶴樓詩深慨叢

林廢真成一木支銅山頻閱世鐵佛重開基法几雕文  
具霸旂刺綵絲雲鐘晨縹緲月殿夜參差已悟無生法  
還興罔極悲他鄉流徙遠先塋奉遷遲瀕洞今方息旋  
歸故可期望雲雙淚瀉計日寸心馳官柳催飛錫曇花  
侑奠儀既明埋玉理豈是繫珠癡定應牛眠兆母生觸  
鹿疑春暉憐舊線秋露薦新祠生死俱無憾諸方起孝  
思

贈相者姜奉先

宋忠臣姜  
才之孫

德祐忠臣好孫子爛爛目光巖電紫人間富貴等浮雲  
瑣瑣何須挂脣齒灤潁險蜀道難曳裾旁人多厚顏留  
取乾坤雙老眼夕陽牛背看青山

題餘姚葉敬常州判海隄卷

補先兄太  
守遺缺

陰霓夜吼風雨急坤維震蕩玄冥立桑田變海人為魚  
葉侯訴天天為泣侯奉天罰誅妖霓下平水土安羣黎  
嶙峋老骨不肯朽化作姚江捍海隄海隄蜿蜒如削壁  
橫截狂瀾三萬尺隄內耕桑隄外漁民物欣欣始生息

潮頭月落啼早鴉柴門半啟臨漚沙柳根白舫賣魚市  
花底青帘沽酒家花柳邛邛各安堵世變侯仙脩成古  
侯雖已矣遺愛存時聽叢祠咽簫鼓人生何必九鼎榮  
廟食貴有千載名君不聞一杯河水決瓠子沈馬親勤  
漢皇祀又不聞一帶江波泛蜀都刻犀厭勝秦人愚江  
平河塞世猶駭何況堂堂障滄海論功不啻濟川才砥  
柱東南千萬載嗚呼只今四海俱橫流平地風波沈九  
州蒼生引領望潯州縣有官非葉侯禦災誰復憂民

憂

寄武昌南山白雲老人

姓衛字均執先人時故舊家居未嘗入城市聞

鶴年辛苦遠還遣子弟問遺不絕鶴年足疾日劇弗克往拜牀下謹奉拙詩以致謝忱云

故人家住南山下  
心與白雲共瀟灑  
芝草遙瞻黃綺歌  
蓮花近入宗雷社  
嗟予江海避風塵  
白首歸來失所親  
青眼相看如昔日  
只有南山與故人

兀兀

數莖白髮鏡中新  
兀兀窮年媿此身  
萬里雲霄雙倦翼

羽一作千尋江漢一窮鱗望鄉薄莫憑西日去國中宵禮

北辰客路漸遙身漸老此生何以報君親

勞勞

閭闔排雲事已休勞勞猶恥為身謀數莖白髮未為老  
一寸丹心都是愁燕代地高山北峙荆揚天闊水東流  
英雄已去空形勝劍氣中宵射斗牛

托太師

淮海重聞斧鉞臨一時黎庶盡傾心雷霆聲播天威遠

霖雨恩添帝澤深  
暗室有蠅污白壁  
明廷無象鑄黃金  
風塵未息英雄死  
坐對江山慨古今

靳公子

中朝公子多才俊  
蕭灑風塵獨靳侯  
白鴈久無天上信  
黑貂漸敝雪中裘  
虛堂簾影遲遲晝  
別館燈光淡淡秋  
到手深杯須劇飲  
醉鄉消得古今愁

故宮人

粉愁香怨不勝情  
強整殘妝對老兵  
別殿金蓮餘故步

後庭玉樹變新聲  
眼穿鴈字雲連塞  
夢斷羊車月滿城  
天上桃開王母去  
世人誰識許飛瓊

雪後泛東湖

雪後湖山玉作圖  
小舟乘興弄清輝  
貪看月裏鸞回舞  
不覺風前鷁退飛  
雲母屏空春閨寂  
水晶宮冷晚霏微  
仙家一笑乾坤老  
誰馭瑤池八駿歸

題鳳浦方氏梧竹軒

鳳鳥曾聞此地過  
至今梧竹滿丘阿  
政懷翦葉書周史



却恨翻枝入楚歌金井月明秋影薄石壇風細晚涼多

中郎去後知音少共負奇才奈老何

存齋詩話云時作者已滿卷此詩一

出皆為

敘社

### 暮春感懷二首

杜宇聲聲喚客愁故園何處此登樓落花飛絮成春夢  
剩水殘山異昔遊歌扇多情明月在舞衣無跡彩雲收  
東皇去後韶華盡老圃寒香別有秋

四十無聞嬾慢身放情丘壑任天真悠悠往事杯中物

赫赫時名扇外塵，短策看雲松寺晚。  
疎簾聽雨草堂春，山花水鳥皆知已。  
百遍相過不厭頻。

奉寄王宣慰兼呈九靈先生

別館新成足宴游，珊瑚環珮總名流。  
獨推南郭為高士，共識東陵是故侯。  
天上鶯花三月夢，人間風雨五更愁。  
行藏盡付浮雲外，爛醉豐年黍稷秋。

奉寄九靈先生二首

先生嘗為余作傳

挾海懷山謁紫宸，擬將忠孝報君親。  
忽從華表聞遼鶴，

却抱遺經泣魯麟，喪亂行藏心似鐵。  
蹉跎勲業鬢如銀，萬言椽筆今無用。  
閒向林泉紀逸民。

花柳村村接海濱，攜家隨處避風塵。  
衣冠栗里猶存晉，雞犬桃源久絕秦。  
坐對青山渾不厭，忘機白鳥自相親。  
也知出處關時運，豈但逃名效隱淪。

寄定海故將軍邵公輔

往事浮雲杳莫攀，壯懷未展鬢先斑。  
不聞奉使通銀漢，空見將軍老玉關。  
故壘荒涼千騎盡，滄溟浩蕩一鷗閒。

風塵隨處嚴訶止愁殺田間野獵還

逃禪室與蘇伊舉話舊有感

不學揚雄事草玄且隨蘇晉暫逃禪  
無錐可卓香巖地有柱難擎杞國天  
謾詫丹霞燒木佛誰憐青露泣銅仙  
茫茫東海皆魚鼈何處堪容魯仲連

寄餘姚滑伯仁先生

獨木橋邊薜荔門全家移住水雲村  
猿聲專夜丹山靜蜃氣橫秋碧海昏  
詩卷自書新甲子藥壺別貯小乾坤

陶漁耕稼遺風在差勝桃源長子孫

題太守兄遺稿後

太守兄死事之明年于篋中得遺詩一卷伏讀之次不知

涕泗之橫流也敬題一

詩于後以紀哀思云

海國期年政化成肩輿隨處看春耕正欣雞犬無驚擾  
詎意鯨鯢有關爭遙島月明虛燕寢故山雲冷失佳城  
夢回詩句難重得腸斷池塘草又生

兵後還武昌二首

避亂移家大海隈楚雲湘月首頻回歸期實誤王孫草

遠信虛憑驛使梅  
天地無情時屢改  
江山有待我重來  
白頭哀怨知多少  
欲賦慙無庾信才

亂後還家兩鬢蒼  
物情人事總堪傷  
西風古塚遊狐兔  
落日荒郊卧虎狼  
五柳久非陶令宅  
百花今豈杜陵莊  
舊遊回首都成夢  
獨數殘更坐夜長

哭陣亡仲兄烈瞻萬戶

獨騎鐵馬突重圍  
斬將奪旗疾似飛  
金虎分符開幕府  
玉龍橫劍衛邦畿  
委身殉國心方盡  
裹骨還鄉願竟違

病卧滄江憐弱弟看雲徒有淚沾衣

題昌國普陀寺二首

寺在浙江寧波府東南海島間即昌國州之故墟也

神鼇屹立戴崔嵬  
俛瞰滄溟水  
一杯積翠自天開  
罨畫布金隨地起  
樓臺祈靈漢使乘  
槎到傳法梁僧折  
葦來若使祖龍知  
勝概豈應驅石訪  
蓬萊

昆明劫火忽重然  
宇內名山悉變遷  
古刹獨存龍伯國  
豐碑猶記兔兒年  
三更日浴咸池水  
八月潮吞渤海天  
雲漢靈槎如可御  
便應長往問羣仙

樊口隱居

為武昌李均玉作

萬里雲霄斂翼回，挂冠高卧大江隈。  
春深門巷先生柳，雪後園林處士梅。  
翠擁樊山邀杖屨，綠浮漢水映尊罍。  
誰能領取坡仙鶴，月下吹簫共往來。

戲贈劉雲翁

千金不惜買新聲，贏得風流老更成。  
銀蠶蒲萄浮臘蟻，金屏窈窕轉春鶯。  
香凝燕寢頻開席，花暗閒房合度笙。  
夜宴未終賓客醉，莫將明燭照華纓。



長江萬里圖

右逾越舊左蓬壺萬里提封入壯圖  
斷石雲屯山擁蜀  
驚濤雪立海吞吳  
蟠桃有實來青鳥  
若木無枝駐赤烏  
秦漢經營人盡去  
獨留形勝在寰區

錢唐懷古

錢唐佳麗冠南州  
故國繇華逐水流  
龍虎已消王霸氣  
江山空鎖古今愁  
吳臣廟冷潮喧夜  
宋主陵荒塏倚秋  
最是西湖歌舞地  
數聲漁笛散鳬鷗

戲贈應修吉

硯溪居士神仙侶  
短髮蕭蕭雪滿簪  
暖老恨無燕趙玉  
養生賴有坎離金  
牀頭酒熟留僧飲  
席上詩成對客吟  
歲晚山空誰是伴  
北窗梅月最知心

重到西湖

湧金風月昔追歡  
一旦狂歌變永歎  
錦繡湖山兵氣合  
金銀樓閣劫灰寒  
雪晴林墅梅何在  
霜冷蘇隄柳自殘  
欲買畫船尋舊約  
荒烟野水浩漫漫

夜宿染上人溪舍

雲去禪關戶牖空清溪碧樹有無中  
倒涵天影魚吞月  
逆戰秋聲犬吠風見性本圖先作佛  
勞形翻愧早成翁  
杜陵老去歸無計來往那辭惱贊公

觀太守兄昌國勸農

東皋風日媚新晴太守躬耕曉出城  
裊裊雙旌穿柳過  
蕭蕭五馬蹋花行杖藜父老陪諮訪  
騎竹兒童主送迎  
豈意兵荒南北遍化行滄海獨昇平

寄西湖林一貞先生

錦繡湖山世絕稀，東風不放賞心違。  
芙蓉楊柳臨清淺，佛刹仙宮繞翠微。  
畫舫載春天上坐，紫駟馱醉月中歸。  
高情獨有林和靖，門掩晴空看鶴飛。

送人歸故園

故園休道已休兵，客裏那堪送客行。  
老去別懷殊作惡，亂餘歸計倍關情。  
孤村月落羣雞叫，絕塞天清一雁橫。  
到日所親如見問，浪遊江海負平生。

寄胡敬文縣尹

胡遂初真人海上漕舟北還得應奉兄書云湖廣親朋兵後僅

二公寄

以詩

湖北衣冠藹士林十年兵革盡消沈  
崑岡火後餘雙壁錦里書回抵萬金  
鳬舫趨朝天闕近霓裳度曲月宮深  
誰知海上垂綸者去國長懸萬里心

海巢

海上巢居海若降三山眼底小如砭  
已攀若木為華表更立搏桑作翠幢  
蛟室夜光晴燭戶蜃樓秋影冷涵窗

鷓鴣夢斷無因到唯有同棲鶴一雙

渡鄆江後寄陸時敏陳可立

小艇橫江捷似飛故人凝睇送將歸  
過山殘照明紗帽渡水浮雲亂芡衣  
沙鳥水鷗同泛泛岸花汀草各依依  
風塵來往慙經濟擬看漁蓑坐釣磯

元夕

燈火樓臺錦繡筵誰家簫鼓夜喧闐  
光移星斗天逾近影倒山河月正圓  
金鎖開闔明似晝銅壺傳漏迴如年

五雲不奏霓裳曲空使揚州望眼穿

遷葬後還四明途中寄武昌親友

浪遊吳越任荆湘來往那辭道路長篋內有書慙歷國  
邱中無綬敢誇鄉潮生別浦江雲白塵起征途野日黃  
若問離人行役苦一宵九夢在瀧岡

夢得先妣墓一首小序云己未夏五月還武昌遷葬  
兵後陵谷變遷先妣封樹竟迷所在久尋不得露禱  
大雪中冬十一月二十日夜忽感異夢翌日遂得其  
處賦詩一首以紀歲月其詩曰慈顏幽翳杳難知風  
雪孤筇遍訪之極浦空江泥滑滑荒岡斷壟塚壘壘  
那知恍惚魂歸夜正是呼號淚盡時孝格皇天吾豈

敢聊同鳥  
鳥報恩私

九日登定海虎蹲山

東海十年多契闊  
西風九日獨登臨  
天高雲靜雁初度  
水碧沙明龍自吟  
籬下菊花憐我瘦  
杯中竹葉為誰深  
凭高眺遠無窮恨  
去國懷鄉一寸心

避地

避地長年大海東  
蕭條生計野人同  
深春耒耜孤村雨  
落日帆檣遠浦風  
那得文章偕隱豹  
聊將音問託歸鴻



平生自恨無仙骨  
五色蓬萊只尺中

異鄉清明

十年瀕洞家何在  
萬里清明客未歸  
雨慙風倦花亂落  
泥融沙暖燕交飛  
煙生榆柳推還速  
雲鎖松楸拜埽違  
旅雁盡回音問斷  
側身長望淚頻揮

寓奉化寺寄菩提寺主

菩提額外空王寺  
丹磴行穿虎豹羣  
萬壑濤聲巖下瀑  
千峰雨氣屋頭雲  
海龍送水金瓶貯  
天女懷香寶鼎焚

慚愧無緣塵土客朝朝鐘鼓下方聞

奉寄恕中韞禪師

曾向名山識異人心如木石氣如春坐禪霜葉秋埋膝  
行道天花日繞身有鉢相傳元是幻無錐可卓本非貧  
惟餘潭底中秋月對寫龍峰面目真

時留龍  
峯傳燈

題東湖青山寺古鼎銘長老鍾秀閣

手開樓閣貯羣經面對湖山衛百靈玉鏡夜寒通沆瀣  
翠屏秋靜倒空青避煙鶴起檐間樹行雨龍歸几上鉼

我亦逃禪雲水客便應蕭散共松扃

悼湖心寺壁東文上人

祇林一葉隕秋霜回首滄洲淚兩行  
几上殘經塵已暗篋中遺稿墨猶香  
雲迷圓澤三生石月冷維摩十笏房  
想像清容何處記寒梅的的竹蒼蒼

山居詩二首呈諸道侶

日日看山眼倍明更無一事可關情  
埽開積雪巖前走一作坐領取閒雲隴上行  
不共羽人談太易嬾從衲子話

無生劃然時發蘇門嘯遙荅風聲及水聲

嬾散形骸不自持黃冠聊束鬢邊絲頻來猿鶴渾相識  
久混龍蛇竟不知養拙最宜情澹泊全生深藉德支離  
看雲本自忘飢渴況有冰泉與石芝

自詠五首

長淮橫潰禍非輕坐見中流砥柱傾太守九江先效死  
諸公四海尚偷生風雲意氣慙豪傑雨露恩榮負聖明  
一望神州一搔首天南天北若為情

一夜西風到海濱  
樓船東出海揚塵  
生慚黃歇三千客  
死慕田橫五百人  
紀歲自應書甲子  
朝元誰共守庚申  
悲歌撫罷龍泉劍  
獨立蒼茫望北辰

堂堂至正最多才  
萬國同文壽域開  
漠北諸生登第去  
越南計吏進賢來  
鳳韶九奏黃金殿  
鶴駕三朝白玉臺  
回首黃塵揚碧海  
五雲無處覓蓬萊

六軍遙駐墨河濱  
故國丘墟詎忍聞  
露冷金銅應獨泣  
火炎玉石竟俱焚  
虞淵日莫無還景  
禹穴秋深有斷雲

草澤遺民今白髮憑高無奈思紛紛

九鼎神州竟陸沈偷生江海復山林  
頻繇誰在隆中顧憔悴惟餘澤畔吟  
嚙雪心危天日遠看雲淚盡歲時深  
百年家國無窮事可得忘機老漢陰

上明州太守茶子俊

還武昌遷葬告牒而作

漢江東抱楚山流先壘猶餘土一抔  
廟冷桐鄉耆舊逝田荒栗里子孫愁  
兵戈隔夢三千里霜露傷心二十秋  
荒隧天寒烏鳥下空林日落白狐遊  
碑焚斷石經時變

盃出遺金有夜偷過客尚知來下馬仙人誰復指眠牛  
擬從樊口遷京口遙別沙頭下石頭高士東芻思致奠  
故人惠麥久維舟已知多病垂垂老敢為長貧故故留  
為政幸逢宗正恕申情當念子平憂劬勞罔報生何益  
存沒沾恩死必酬願及清明三月節一盃麥飯灑松楸  
過安慶追悼余文貞公

將軍足馬入舒城擊賊頻頻訓義兵孝以保家忠徇國  
聚而出戰散歸耕園侔月暈全無隙捷振天威大有聲

游說飛書徒間謀輸誠仗節愈堅貞雲梯屢却妖氛豁  
露布交馳殺氣平千里荆揚憑保障七年淮海賴澄清  
山深狹獠殲還出江闊鯨鯢斬更橫外援內儲俱斷絕  
裹瘡飲血獨支撐天昏苦霧埋營壘日落陰風卷旆旌  
甘與張巡為厲鬼肯同王衍誤蒼生三千將士皆從死  
百二山河亦繼傾靜對風霆思號令遙從箕尾識精誠  
頌碑不媿詞臣色哀詔偏傷聖主情願為執鞭生不遂

臨風三酹重沾纓



讀應奉兄登科記愴然傷懷因成八韻

射策彤庭被寵榮  
遺經三復若為情  
重傷趙璧經時毀  
翻恨隋珠徹夜明  
洪範有書傳太乙  
佳城無郭葬長庚  
青雲路斷甘淪沒  
碧海塵飛苦變更  
自信為臣當委質  
誰能向賊更求生  
家貧寡弱遺妻子  
道遠存亡隔弟兄  
一旦音容成永訣  
十年涕淚鎮交橫  
茫茫原隰無求處  
獨立長風送鴈聲

題建昌王子中橋亭八景

橋亭風景洞天如中有儒仙舊隱廬春漲按藍涵蟬

澧波春漲內有石梁長橋

曉嵐滴翠濕芙蕖

龍淙朝嵐內有長山峻嶺

受詩華嶽

浮丘館

中華翠嶽峯頭有浮丘仙宇

說劍香鑪許令居

香鑪紫烟峯頭有許旌陽

仙居雲外懸崖飛屐上

天寶懸崖

雨中沃壤帶經鉏

田東墓雨

疎鐘

鯨吼霜華重

聖容僧鐘

長笛龍吟月色虛

雲原仙笛

老我塵寰懷

勝景追遊早晚命中車

敬書宸翰後

神龍歸卧北溟波愁絕陰山敕勒歌惟有遺珠光奪目

萬年留得照山河

此云宸翰蓋指庚申君手跡也

題第郎天馬圖

春明立仗氣如山  
顧盼俄空十二閑  
一去瑤池消息斷  
西風吹影落人間

暮春

楊花榆莢攪晴空  
上界春歸下界同  
蜂蝶紛紛竟何在  
獨留杜宇怨殘紅

題畫

江樹青紅江草黃好山不斷楚天長雲中樓觀無人住  
只有秋聲送夕陽

題萬歲山玩月圖

金銀樓觀蔚嵯峨琪樹風涼秋漸多徙倚危闌倍惆悵  
月中猶見舊山河

題畫葡萄

故人毛楚哲作

西域葡萄事已非故人揮灑出天機碧雲涼冷驪龍睡  
拾得遺珠月下歸

梧桐

井梧徹夜下霜風  
錦繡園林瞬息空  
老盡秋容何足惜  
鳳巢吹墮月明中

聞簫

給喪未必無周勃  
乞食誰能辨伍員  
昨日英雄今日恨  
洞簫忍向亂中聞

聞鴈

月落江城轉四更  
旅魂和夢到灤京  
醒來獨背寒燈坐

風送長空鴈幾聲

題梅花扇面寄五十僉憲

憶向西湖蹋早春  
萬花如玉月如銀  
一枝照影臨清淺  
滿面冰霜似故人

題族兄馬子英進士梅花

池館春深看牡丹  
五陵車馬隘長安  
誰知凜凜冰霜際  
却是梅花守歲寒

贈表兄賽景初

景初故咸陽王  
賽奇齊之孫也

蕭條門巷舊王孫  
旋寫黃旄換綠尊  
富貴儻來還自去  
只留清氣在乾坤

題鴈

兵戈故國日凋殘  
野蔓荒煙白骨寒  
目送飛鴻度關塞  
有書無處報平安

紅梅

姑射仙人鍊玉砂  
丹光晴貫洞中霞  
無端半夜東風起  
吹作江南第一花

水仙花二首

湘雲冉冉月依依  
翠袖霓裳作隊歸  
怪底香風吹不斷  
水晶宮裏宴江妃

影娥池上曉

一作晚

涼多羅襪生塵水  
不波一夜碧雲凝

作夢醒來無奈月明多

一作何

竹枝詞二首

竹雞啼處一聲聲  
山雨來時郎欲行  
蜀天却似離人眼  
十日都無一日晴



水上摘蓮青的的泥中采藕白纖纖却笑同根不同味  
蓮心清苦藕芽甜

集中又載紅蓮白藕詩用意相近其一云紅蓮白藕  
兩相宜欲采臨流意轉遲蓮子總甜心獨苦藕芽雖  
美腹多絲其二云采蓮采藕湖水潯阿儂蹋歌  
郎賞音多虛少實如郎意外甜內苦似儂心

題定海樂節婦劉氏沿江泣尋夫屍卷

怨入江雲結晝陰潮痕清淺淚痕深白頭重見黃泉下  
方盡寒燈一寸心

題唐申王三駿圖

三駿英英出渥洼  
太平芻束飽天家  
誰知百戰平河北  
汗血功歸獅子花

戲題明皇照夜白圖

天上麒麟天下稀  
月中幾送八姨歸  
君王寓目應追悔  
誤看乘鸞度羽衣

武昌南湖度夏

湖山新雨洗炎埃  
萬朵青蓮鏡裏開  
日暮菱歌動南浦  
女郎雙槳盪舟來

贈李仙姑

何年萼綠華來降地仙  
家花擁青鸞節香隨白鹿車  
清輝迴雪月玄想結雲霞  
不赴瑤池宴桃開幾度花

次小孤山

峽束千雷怒擊撞危峰屹立壓驚瀧  
山連廬霍朝三楚水落荆揚限九江  
鎮海重關當第一擎天孤柱故無雙  
珮環月夜知何處露濕蓬萊玉女窗

題風雨歸舟圖

昔向滄浪弔獨醒中流風雨正揚舲江空風卷潮頭白  
野曠雲迷峴首青挂席正思遺珮浦推篷已過濯纓亭  
襄陽耆舊今安在撫几長歌對畫屏

寄張左瞽

張生脫畧今有年食無梁肉眠無氈丈夫既與世不偶  
貧賤肯為人所憐齊眉已喜孟光敬翦髮况聞陶母賢  
拂衣歸來好共隱與爾共耕沮溺田

吉雅摩迪音詩附

吉雅摩迪音字元德鶴年之從兄至正間進士官浙  
東僉都元帥事

寄穆爾古蘇院判

將軍辛苦事戎行麾下論兵總俊良  
沙漠蘇卿多感慨  
鑑湖賀老自清狂風塵滿眼青山舊  
天地無私白髮長  
萬里君親俱在念扁舟何日賦滄浪

遊定水寺寄杜堯臣

水紋藤簟竹方牀山閣重陰雨後涼  
新月梧桐秋已老

碧梧

一作  
銀燈

機杼夜初長白魚入饌松醪熟紅稻供炊筍

脯香雲樹芝泉隨處好一時清賞肯相忘

題天童寺朝元閣

海內兵塵已十年上方鐘鼓獨依然  
史臣錫號承天寵中使留香出御筵  
山列九龍蟠紫翠樓開五鳳敞雲煙  
籃輿亦有登山約擬聽松風借榻眠

贈陳章甫

三十年前鬢未蒼曾陪宰相入鵷行  
解衣換酒尋常醉

躍馬看花取次忙，亂後已非前日夢。  
老來那復少年狂，黃冠野服新裝束。  
穩把長竿釣海鄉。

鶴年弟盡弃紉綺，故習清心學道特。  
遺楮帳資其澹泊之好，仍侑以詩。

誰擣霜藤萬杵勻，製成鶴帳隔塵氛。  
香生蘆絮秋將老，夢熟梅花夜未分。  
枕上不迷巫峽雨，牀頭常對剡溪雲。  
竹鑪松火茶烟暖，一段清貞盡屬君。

秋過弟鶴年書館夜話

兄弟惟吾老宗族有君知  
萬里尚為客百年能幾時  
秋清妨熟寐夜靜話貞期  
明日怱怱別還生兩地思

題畫竹為董文中賦

雨過蛟龍起風生翡翠寒  
但存清白在日日是平安

阿里沙詩附

阿里沙字允中鶴年之次兄  
至正間進士官應奉

翰林文字

題九靈山房圖

戴叔能讀書處時  
叔能避地明州



夢裏家

一作鄉

山十載違丹青咫尺是耶非墨池新水春

還滿書閣浮雲晚更飛張翰見機先引去管寧避亂久

忘

一作無

歸人生若解幽棲意處處林丘

一作丘園

有蕨薇

題前餘姚州判官葉敬常海隄遺卷

潮汐東來勢蹴天一隄橫捍萬家全陵遷谷變人誰在  
海晏河清事獨賢曉日山川神禹跡秋風禾黍有虞田  
河渠他日書成績應竝宣房與代傳

題鍾秀閣

為東湖古閣銘長老作

檻外澄湖平不流窗間疊嶂屹將浮烟霞五色錦屏曉  
風月雙清瑤鏡秋簷葡萄濃香吹法席芙蓉涼影蕩仙舟  
結巢擬傍雲松住迴首朝簪媿未投

吳惟善詩附

惟善字

闕

鶴年表兄樊川人

寄武昌諸友

黃鵠山前漢水濱一時英俊總能文金釵佐酒年俱少  
銀燭鈔書夜每分鴈杳魚沈勞遠思狼貪羊狠絕前聞

兵戈故國知誰在  
目送西南日暮雲

寄東海鶴年賢弟

鶴皋東望接三山  
海上神仙日扣關  
虎守月鑪丹鍊就  
龍吟霜匣劍飛還  
故園松菊餘三迳  
老屋烟霞恰半間  
為問林泉逃世者  
如公今有幾人閒

小遊仙

河漢無聲海月寒  
長鯨吸浪洞庭乾  
一聲鐵笛風雲動  
人在危樓第幾闌

元詩選初集卷六十三

謹案第十頁前二行阿喇卜丹舊作阿老丁今改


十頁前三行智默特喇卜丹舊作職馬祿丁

今改 三十四頁後八行賽音齊舊作賽英赤

今改 三十九頁後五行阿里沙舊作愛理沙

今改





總校官候補中書臣吳紹潔  
校對官編修臣馬啟泰  
謄錄監生臣朱坦